

B. N. C.  
FIRENZE  
1022  
22





1022. 22





F. P.  
*De*  
POTV COFFI.



FRANCOFVRTI,  
Apud Ægidium Vogelium.

---

M. D C. L X V I.









## Cum Deo.

**Q**uanquam *Fabarū* usus, & esus prohibitus olim fuerit à Pythagora, quod flores lituris suis nigris signaturam referant lugubrem, & animas mortuorum, quæ in iis habitent : ab aliis autem etiamnum interdicatur, quod existiment, sensus exinde hebetari, & insomnia turbulenta excitari; quia tamen ipsæ fabæ & alimentum & medicamentum præbent secundum atq; innoxium, nullam operam aut oleum me perditurum fido, si de *fabis* in publicam cathedram aliquid proferam.

II. Non autem in præsentiarum agere animus est de *Fabis* nostratibus, sativis aut sylvestribus : Nec de *Phaseolis* nostris aut *Lupinis*, quorum tamen omnium frequens usus esse solet, partim in culina, partim in Pharmacopolio, cum ad externos & internos morbos eradicandos frequenter iis Clarissimi *Medici & Chirurghi*

A

uti

uti soleant, in hydropo, v. gr. calculo, retentione  
 urinæ, dysenteria, lienteria, fugillationibus, & a-  
 liis affectibus p. n. Nec etiam de *Faba Ægyptiaca*  
*Dioscoridis*, p. 228. quam Crocodili oculisti-  
 mentes fugiunt, teste *Plinio* p. 234. Nec de *Phaseolo*  
*Paludani Gareti* Cacao (è quo Chocalate paratur)  
 simili, *Coles* alias dicto apud *Clusium* p. 64. aut *Fa-*  
*bis purgantibus Cartaginensibus* Manard. p. 335. aut  
*Ferdinandi* Lopezii de Castagneda l. 7. cap 78. in  
 Insula D. Thomæ nascentibus; hac vice expo-  
 netur *Faba Arabica Bon*, è qua potus resultat,  
*Caova* dictus, quo olim jam *Ægyptii* & *Arabes*,  
 atque nunc hac tempestate novitatis avidi *An-*  
*gli*, *Galli*, *Germani*, spreto *Tabaco* & *Thee*, frequen-  
 ter uti solent.

III. De hac faba *Bon*, seculo post natum Sal-  
 vatorem nostrum, nono, primus, quod ego  
 quidem sciam, sub nomine *Bunchi* memoriæ  
 aliquid reliquit Abtubetri Arazi filius Zacharia  
 Mahometus, *Rases*, communiter *Rasis*, dictus,  
 Medicus Clarissimus Arabs, qui multos libros  
 scripsit elegantissimos, X. quidem ad Regem  
 Mansorem, & alios doctissimos XV. Hic in-  
 quam, primus exposuit, quid *Bunchum* sit. Ait e-  
 nim pag. 74. calidum esse & siccum, quod sto-  
 macho

macho congruum existens, mali sudoris odorem atque psilotri incidat & auferat. *vide* lib 3. ad Mans. pag. alleg. 74.

IV. Post Rhasin, *Abubali*, *Alhasen Ebenhali*, *Ebensina*, communiter *Avicenna* dictus libr. 2. tract. 2. pag. 281. *Bon* sub nomine *Bunchum* explicat, *Bunchum* quid est, (quærit?) Resp. Est res delata de *Iamen*. Quidam autem dixerunt, quod est ex radicibus anigailen: quum movetur & cadit. *Electio*, melius est Citrinum, & leve boni odoris, Album verò & grave est malum. Natura est calidum & siccum in primo, secundum quosdam est frigidum in primo. *Operationes & Proprietates*. Confortat membra. *Decoratio*, Mundificat cutem & exiccat humiditates, quæ sunt sub ea, & facit odorem corporis bonum, & abscindit odorem psilotri. *Membra Nutrimenti*. Est bonum stomacho. *Huc etiam aliis quadrare videntur*, quæ *Avicenna* tradit de *Meisce*, pag. 359. loc. cit. & lib. 1. fen. 3. dict. 2. cap. pag. 194. sed differunt *Bon* & *Meisce*.

V. Penitus autem fabam *Bon* & *potum* inde confectum describit *Prosper Alpinus* libr.

de Medic. Ægypt. & de Plant. Ægypt. Ægyptiis  
*inquit pag. 118.* in usu frequentissimo est semen *Bon*  
 ex quo decoctum parant. Huic omnes non se-  
 cus ac nostri in publicis tabernis vinorum pota-  
 tionibus operam dant. De eoq; singulis diebus  
 sæpè admodum calenti interdium, sed maximè  
 manè jejuno stomacho large bibere consueve-  
 runt, siquidem ipso ventriculum calefieri robo-  
 rariq; apud eos compertum sit, non minusque  
 etià viscerum obstructions tolli, quotidie ex-  
 periantur. Mulieribus ad evocandos menses  
 præsentaneum est remedium, apud eosque in  
 usu est frequentissimo, quibus diminutè fluen-  
 tibus ejus decocti probè calentis multum epo-  
 tant, paulatim modicum sorbitantes. Sic enim  
 in usu est apud omnes, ut paulatim ipsum de-  
 glutiant. *Capite verò quarto* inferiùs pag. nimi-  
 rum 122. fufius hanc rem persequitur *Alpinus*. In  
 frequentissimo usu, *ait*, ibi est decoctum *Chaova*  
 appellatum, quod ex quibusdam feminibus ni-  
 gris fabas imitantibus parare consueverunt.  
 Duobusque modis ab ipsis parari solet, horum  
 enim alii decoctum faciunt ex feminum nuper  
 dictorum, tunicis seu folliculis, & alii ex eorun-  
 dem feminum substantia, quod ex folliculis pa-  
 ratur,

ratur, efficacius, quam ex feminum substantia elaboratum: prædictum semen hoc *Bon* vocant, arboremque ipsum ferentem vidi in quodam Turcæ Bci Viridario ex Arabia delatum, quæ Evonomo maxime similiserat.

Illius verò decocti facultas est frigida & sicca, quo ad primas qualitates temperata, cui etiam mista est caliditas, quando illa semina duplici substantia constant, altera crassa, & terrea, quæ coquunt & roborant, altera calida in tenui substantia fundata, frigidaque modice prævalent, qua calefaciunt, abstergunt, obstructaque aperiunt. Horum decoctum, cichorei decocto gustu proximum est, quòd tamen ipso valentius obstructa liberat. Cum ego animadvertissem mulieres, quibus cæperint fluere menses, ad eos adjuvandos, de eo calidiori semper paulatim multum sorbillare, apud illasque omnes adjuvandam eam vacationem in usu esse frequentissimo, cæpi, illa perdoctus experientia, in omnibus illo uti, quibus aliquam ob causam eorum purgatio menstrua destitisset; quod quidem felicissimè multis evenisse vidi, exindeque didici, hoc genus remedii pro evocandis menstruis ab uteri obstructis venis esse præstantissi-

mum post universalem tamen corporis vacua-  
 tionem, mane jejuno stomacho istud deco-  
 ctum assumptum efficacissimè menses provo-  
 cat, temporeque quo multis jam vehementi-  
 bus doloribus minutæ difficulter exeunt, eis  
 præsentaneo est auxilio. Parant autem illi hoc  
 decoctum sumentes nucleorum illorum femi-  
 num à folliculis mundatorum libram unam &  
 mediam, eaque parum igne torrefaciunt, con-  
 tostaque bulliunt, in aquæ lib. viginti, aliis su-  
 mentibus nucleis prædictos torrefactos ac mi-  
 nutim confractos per diem infusos in aquam  
 manere atque alia nulla præcedente infusione  
 eos bulliunt ad consumptionem medietatis,  
 percolatumque decoctum ad usum servant in  
 fictilibus vasis undique clausis: Eodem itidem  
 modo parant decoctum ex feminum folliculis,  
 in minori tamen quantitate sumptis, pro quo  
 parando accipiunt alii prædictorum folliculo-  
 rum sex uncias atque alii novem, in librisque  
 viginti aquæ fontis ad consumptionem medie-  
 tatis ipsam coquentes. Hoc decoctum sto-  
 macho summopere conducit, idque valdè ca-  
 lidum & effervesceus, jejuno stomacho paula-  
 tim sorbentes potant ad ciathi mensuram, &

eo amplius: ut autem vino in œnopolyis sive tabernis nostrorum multi ebrietati dediti indulgere observantur, sic illi *Coava* decocto delectantur eique indulgent.

Ipsam fabam *Bon* describit in Plant. Ægypt. historia pag. 26. seqq. Arborem vidi, *inquit*, in Viridario Halybei Turcæ, cujus Iconem nunc spectabis, ex qua semina illa ibi vulgatissima *Bon* & *Ban* appellata, producuntur: ex his omnes tum Ægyptii tum Arabes parant decoctum vulgatissimum, quod vini loco ipsi potant, venditurque in publicis œnopolyis, non secus quam apud nos vinum. Illique ipsum vocant *Caorva*. Hæc semina ex felici Arabia asportantur. Arbor quam me inspexisse dixi, *Eronomo* similis observata est, sed tamen folia crassiora durioraque habebat viridiora perpetuoque virentia; usus est illorum seminum omnibus notissimus, ad parandum jam dictum decoctum, quod quo pacto ab iis paratur, aliàs à me dictum est.

Utuntur ejus decocto ad roborandum ventriculum frigidiorē, adjuvandamque  
con-



concoctionem, & non minus ad auferendas à visceribus obstructions, in tumoribusque hepatis lienisque frigidis & antiquis obstructionibus, feliciori jam successu decoctum multos dies experiuntur. Quod etiam uterum maximè respicere videtur; ipsum enim & calefacit, obstructionsque ab eo aufert, sic enim in familiarium usu est, apud omnes Ægyptias Arabesque mulieres, ut semper dum fluunt menses, ipsorum vacationem, hujus decocti ferventis multum paulatim sorbillantes, adjuvent, ad promovendos etiam in quibus suppressi sunt; usus hujus decocti purgato corpore multis diebus utilissimus est. Avicenna de his seminibus meminit, similesque vel eosdem usus de seminibus memorie prodidit, ipsumque semen calidum in tertio & siccum in secundo gradu constituit, quod tamen verum non videtur, quando semen sapore dulcescat, cum paucò amarore, nullamque acrimoniam præferat: Nihilominus ipsum obstructionibus viscerum, frigidisque humoribus hepatis vel lienis multum conferre docuit.

VI. *Veslingius* ulterius hæc prosequitur in *Observ.* pag. 22, ut & *Bauhinus* in *Pinace* pag. 428, *Olaus Wormius* in *Musæo* pag. 189, *Olearius* *Itin.*  
Per-



Perfic. pag. 422. & ante hos *Leonhard Rauvvolf*. in  
Itin. pag. 102. Pronuper verò mentionem quo-  
que facit *Möllenbroc* pag. 117. de Arthr. Vaga  
Scorbut.

VII. *Bon* itaque fructus est arboris, corporis  
perfectè mixti organici, anima vegetativa præ-  
diti. Arbores enim & reliquæ Plantæ, *frutices*,  
nempe, *suffrutices*, & *herbæ* (tot sunt earum diffe-  
rentiæ) *Corpora* dicuntur *perfectè mixta animata*, ad  
discrimen inanimatorum & imperfectè mixto-  
rum corporum naturaliū. Vivunt autem plan-  
tæ, sed nō sunt *animalia*, nec *sentiunt*, aut *dormiunt*.  
Sola anima vegetativa pollent, specietamen in-  
ter se differunt, sed in tantum, in quantum me-  
talla, ut unum sæpè in aliud possit transire. Non  
enim plane negamus *Chrysopæiam*.

VIII. Dicuntur autem *vegetabilia* Corpora  
naturalia *mixta*, ad differentiam Corporum na-  
turaliū *simplicium*, ex quibus nempe mixta com-  
ponuntur juxta *Aristotelem*, & in quæ ultimo de-  
finiunt, uti ante hunc exposuit *Hippocrates* de nat.  
hum. t. 17. § 12 & 13. ex qua tamen descriptione  
numerus *Simplicium* quaternarius non tam fa-  
cilè emergit, ut exinde Dn. D. *Ioh. Dan. Horstius*,  
B Phil.

Phil.& Med.Excellentissimus,hujus Academiae  
 Professor Med. Prim.per multos annos,& nunc  
 Collegii Medici Francofurtensis senior & Ar-  
 chiater Hassiacus meritissimus,in elegantissima  
 sua *Physica Hippocratea elementa principalia* duo-  
 pag.25. asserat *Aquam & Terram*, & duo minus  
*principalia* aut potius ligamina *Ignem æstimet &*  
*Aerem*. Et hinc in dubium vocant quidam *tria*  
*principia Chimica* Sal, Sulphur, Mercurium, tum  
 quod non omnia corpora *mixta* in illa tria pos-  
 sint reduci: tum quod *plura* corpora mixta in  
*plura*, quam in illa tria resolvantur. Hoc proba-  
 re nituntur, quod in tria liquida *phlegma, spiritum,*  
*oleū;* & duo sicca principia, *sal fixum & volatile* v. gr.  
 C.C. Tartarus, Succinum, Urina & multa alia  
 reducantur: *Illud* verò, quod nullus Chimico-  
 rum etiam Adeptorum probaverit, se in *Sal, Sul-*  
*phur & Mercurium*, tanquam prima principia, Au-  
 rum unquam v. gr. Talcumve redegisse. Quid  
 nos statuamus de numero *principiorum* corpo-  
 rum naturalium, in conflictu exponemus.

IX. Quomodo autem paretur *potus Cossi*,  
 nunc exponendum penitius: Superius quidem  
 mentio facta est, sed non ita specialis. Fabæ Bon  
 fru-

*a.* fructus arboris depictæ *A.* affantur in depicto ferreo Instrumento *lit. B.* per quod, fabis illis excorticatis *b.* repletum, & operculo *C.* tectum, transire possit veru, quo illud ad ignem agitetur, donec assæ sint contentæ fabæ. Pulvis ita tostus in aquâ ferventem projicitur, liquorque inde tinctus calidè jejuno stomacho cum pauxillo sachari sorbillatur. Francofurti, ubi in usum Medicum primus illum potum induxit, & aliquot ægris cum successu propinavit *Dn. D. Horstius*, supra laudatus, in libra una aquæ ferventissimæ infundunt duas drachmas aut tres pulveris tosti.

*X.* Virtutes hujus *Potus Coffi* superius in genere expositæ sunt, in specie verò *...rabs* quidam Medicus *Oxonii* in Anglia edita *descriptione*, apud *Henricum Halle* 1659. sequentia enarrat. Fructus *Bon* (*ait*) colligitur in mense *Ab*, fructus est instar fabæ (*a*), quæ enucleata dividitur in duas partes, (*bb*) Flores ejus sunt albicantes. Calida est hæc faba in primo gradu, & sicca in secundo, quoad corticem. Nucleus verò temperatus planè est & modicè ac amicè exiccans. Ipse potus utilis est in catarrhis, destillationibus pectus occupantibus, suppressione

fione mensium & urinæ, ebullitione sanguinis, & debilitate virium. Et tale encomium hic potus nactus quoque est in *Dania* & *Suecia*, ibidem nunc Magnatibus etiam familiaris.

XI. *Lutetia Parisiorum* jam modo in multis tabernis publicis potum *Coffe* vendunt, cum seq. elogio.

Les tres-Excellentes Vertus

### De la Meure Appelle'e Coffe.

**C**Offe est une Meure, qui croist dans les deserts d'Arabie seulement, d'où elle est transportée dans toutes les dominions du grand Seigneur, qui estant beuë desseiche toutes humeurs froides & humides, chasse les vents, fortifie le foye, soulage les Hydropiques par sa qualité purifiante, souveraine pareillement contre la galle, & corruption de sang, raffraichit le cœur, & le battement vital d'iceluy, soulage ceux qui ont des douleurs d'estomach, & qui ont manque d'appetit: est bonne pareillement pour les indispositions du cerueau, froides humides & pesantes: la fumée qui en sort, est bonne contre les defluctions des yeux, & bruit dans les oreilles: souveraine aussi pur la courte halaine

leine : pour rhumes qui attaquent le poumon, & douleurs de rate : pour les vers, soulagement eztraordinaire, apres auoir trop beu où mangé, rien de meilleur pour ceux qui mangent beaucoup de fruit.

L'vsage iournalier pour quelque temps, fera voir les effets cy dessus, à ceux qui indisposez, s'en seruiron de temps en temps.

Ladite Boisson, & plusieurs autres, se vendent à l'enseigne du grand Turc, au bout d'une longue allée, dans une salle basse, rue des boucheries, au faux bourg saint Germain.

Prodesse nempe contra flatus, debilitatem hepatis, hydropem, bilis abundantiam, sanguinis corruptionem, cordis debilitatem, stomachi dolorem, anorexiam, cerebri debilitatem, defluxiones ad pulmonem, oculorum & aurium, dolorem lienis, &c.

XII. Inter alios potus, ait *Rauwolfius* superius allegatus, Turcæ utuntur potu quem magni æstiment, & *chaube* dicunt, quique colore ætamentum æmulatur, & admodum conveni-

ens in affectibus præprimis ventriculi : solent li-  
 quorem hunc tempore matutino publicis et-  
 iam in locis sine omni nausea assumere, ex scu-  
 tellis argillaceis, & porcellinis, sæpius labra ad-  
 movent, parce tamen bibunt, ordinem sedentes  
 in circulo observantes ; compositionem hujus  
 liquoris ingrediuntur fructus quidam *Buncho* ab  
 incolis dicti, exterius magnitudine & colore  
 Baccas lauri equantes, duabus tenuissimis tuni-  
 cis induti, secundum illorum relationem, ex *in-*  
*dia* allati, quoniam hi exigui sunt pretii, & intus  
 duo grana flavi coloris, diversis in duabus cap-  
 sulis inclusa tenent, insuper etiam viribus, nomi-  
 ne, colore *Bancha* Avicennæ & *Bunca* Ras Al-  
 mans, in totum similis est; hos esse statuo, tam-  
 diu, donec à Viris doctissimis meliora perdo-  
 ctus fuero, hic potus illis admodum familiaris  
 est, quapropter etiam multi illorum in hospitiiis  
 publicis vendentium, & mercatorum de fructi-  
 bus mercaturam facientium in *atzar* inveni-  
 untur. Insuper illum adeò salubrem esse pro-  
 bant : ut nos vinum absynthites vel alia vina  
 medicata.

XIII. Amstelrodami *Iohan. Ainsvoort* multis  
 elogiis hoc anno hunc potum vendit, quod hu-  
 mi-



midum radicale conservet, ventriculum robor-  
ret, oculorum morbos tollat, doloribus capitis  
medeatur, catarrhos solvat, paralyfi, podagræ,  
hydropifi, & scorbuto resistat, calculum frangat,  
prægnantibus profit, &c.

XIV. Excellentiss. verò *D. Simon Pauli* Potum *Coffi*  
plane damnat in *Comm. de abusu Tabaci & Herba Thee* pag. 38.  
quod corpora & animos effœminet, non quidem quod  
hic potus adeo refrigeret, sed quod sulphure proprio  
instar *Tabaci & Agni casti* clanculum & sensim exiccet,  
pag. 46. Ast loquitur & scribit de *abusu* Clarissimus Vir,  
aliàs *Rhabarbarum, China, Sassafras, & Santalum* quoque, a-  
liaque medicamenta extra *Europam* nata, in exilium  
forent ableganda. Abusum potus *Coffi* & nos non mi-  
nus improbamus, quam abusum *vini*. Usum verò retine-  
mus, cum compertum habeamus, multos à potu *Coffi*  
modicè & debitè, manè nempe jejuno stomacho cum  
pauillo sacchari sumto, benè habere, & feliciter expe-  
riri, potum illum stomacho prodesse, catarrhos sistere,  
totumq; corpus roborare. Cōcludimus itaq; cū *Veslingii*  
*Præstantissimi* effato, *Europæis* hoc medicamentum non  
esse inutile aut noxium, quo ipso huic disserta-  
tioni impositus esto hac vice

F I N I S.

1795











MC

